

[www.BibleForChildren.org](http://www.BibleForChildren.org)

# Matius 8



Unu wiya omemaata kaama wedaagoo to naagoo Galilea  
wee kaa Kana magaa kaa kiyoo méé waa ena me api  
goeano naagoo. Naano agiyoo noogee yoo kiyoo Yesus  
baayo miya topa, Yesus ma, Wa me topenaa see bagee  
yuwa ma okoo paagoo "Naano ke meei" asegea naadi  
okoo miya enaataa  
eenotaa.



Noogee naadi kaama anggur poo uwoo imi taa. Imi taa naadi okooto me Waa asiino, "Okoo anggur poo uwoo kuwa taa keepeasega yoka" see asega. Okooto me kiyoo agiyoo yaokagee see bagee yuwa asiino, "Wa me kisiipi-kisiipi kuwa daamaa pee-yaukuwaai" see asega.



Yesus me kuwa agiyoo yaokagee see bagee  
yuwa asiino, "Kuwa otaawee yuwa uwo  
pudiisi yoka kabageawee taai" see asigi.  
Uwo kabageawee naadi ebeato da kaa  
kega kaboo Wa me asiino, "Eto ko simu  
ena wugidoota pesta tuku  
see méé paagoo yadoo-pooi"  
see asigi

naadi kisee  
yadoogea.



Kuwa uwoo yuwa anggur poo uwoo keepeasega naadi  
kaama pesta tuku see méé to peenaa noodeegi  
naaki esee gii daamaa. Kuwa  
uwoo wogepea yoo waa  
ewo, kuwa yawogedoo  
peepea bagee yuwa okoo  
too ipi. Wa me kisee  
ewo kaa mee api goeano  
méé to mena  
ogegeeta  
ogegeeta  
kaama  
asiino, . . .



... "Ei, anggur poo uwoo gaayu ko gii daamaa see yuwa kuwa keta méé me nusi naadi méé paagoo maniyaa. Kuwa uwo daamaa kiyaa yuwa noogee naadi kaama gii peenaa too kiyaa yuwa méé maniyaa, se maa. Kiya aa gaayu ko kisee taa. Eto wodopasi yaato too a me kuwa daamaa kiyaa yuwa méé manege" see asigi.



Kuwa aii uwoo kuwa anggur poo uwoo gakadiyaata mee  
ko Yesus Waa kisee Mée to ii see  
kuwa nekeensi naadi dimi  
nagii-nagii see agiyoo  
petamanii mee, Galilea  
wee kaa Kana magaa  
kaa kiyoo ukuwaaniyaagi.





Waa ebo, Waa asii-sege see kuwa kisee  
daamaa awee da kaa deeyaata  
kaama Wa me topenaa see  
bagee yuwa Waa mikee  
nao see gaagea.




Yesus peedoota Petrus me ee  
kaa peemaata kaama deamaagi  
too ko Petrus me apimee baayo  
wa me omegee yoo tani ma  
ikiyoo meanta topa.



Mee apii yagaa da kaa peneasigi naaki ikiyoo taa  
keepeasega. Taa kega naadi anoogeeta naano agiyoo  
mée yuwa manega.



Keno seomigi kaboo ikiyoo yago bagee yuwa ma, paa  
yago bagee yuwa ma okoo uduma Yesus paagoo  
eemedaakea. Mee  
magaa kaa bagee  
uduma mee ee kaa  
kenee to kaa  
kutumeeiikea.




Okoo me deei-deei, meanee see agiyoo tomaa-tomaa  
yuwa eebaa Wa me yataa kiyaagi, paa eebaa  
miya yaabagaapeasigi. Paa yuwa me 'Mee ko Ebo  
Kristus yoka' see kuwa ipi kemaata Yesus me  
okoo mena peenaa ma se wegayaagi.



Wa kaa pesee agiyoo kuwa me okoo kaa meanee seta  
agiyoo uduma yataa kiyaabuuki yoka méé uduma Waa  
yaadeega naaki ou  
naadi peneasiino  
see kookea.



Kuwa kaboo da taa ko okoo méé wui me oogimaata bagee ena Yesus paagoo dogano see kookea.



Kiya méé sipi naadi Wa paagoo  
doomagaano iyo yoka doodoota  
ee to wadoo taa pakagea.  
Pakaamaata kaama Yesus  
doodoo da taa ee  
kabataagea.




Kabataata kaama mee oogimaata  
mée to wa me ometaa see keagee  
da ma yadookomeegee.




Yesus me okoo mikee nagaano dimii mee ebo  
ii naadi kaama Wa me mee  
oogimaata méé to asiino,  
"Niyoopaa, a me pedeo  
yuwa uduma epa  
kaekeasega. Eto  
ko aa Oogatamee  
ma menaa kuwa  
taa" see asigi.  
"Ani me kasiino  
ko: Anoogeeta  
a me ometaa  
see keagee da  
masegeeta ee  
kaa pooi" see asigi.



Yesus mee komaa da kaa pakaanta kaama Wa  
me topenaa see bagee yuwa ma epo  
enaataa peedoota uwo pikuu da  
taa peetaaki too ko bo  
ebo mega. Biku-biku  
miya ebo kega naaki  
komaa da kaa  
wogeedapiika kiya  
Yesus Waa toomoo  
umpi.



Yesus me asiino, "Ikii dimi Ni kaa namagaano taa see bagee yuwa nao, kaasee kaa wedaagea ya?" see asigi. Waa anoogeeta "Koogo sikiinii" asigi naaki bo siki, biku-biku taa kega. Okoo dimi nagimaano ebo kegea. "Mee kaasee Mée? Biku-biku, bo kisee agiyoo kuwa Wa me menaa yayiino too" see aaseekea.



Ogatamee me  
magaa da kaa bagee yuwa esee epa  
kemaata Wa me ena too too Yogaa méé  
manta. Waa mikee gaayaa bagee yuwa  
uduma se pedeo keta iminoo miya,  
iminoo miya kisee too toowoo  
segeesi naadi méé  
manta.



Roma 3:23 inii uduma pedeo agiyoo ukuwagee seta bagee yuwa kemaata inii uduma sikii taa. Ogatamee paagoo asii-sege siyaa agiyoo yuwa méé kaa daamaa yaekeata yuwa kuwa taa kedaa seta kaama inii kisee totaakea.

Roma 6:23 Pedeo dimii gaawoo, pedeo agiyoo ukuwawoo setaa to mokoo da mee ko méé boota kaama wigintaayaa. Kiya Ogatamee me aii méé yaekeata agiyoo mee gaayu ko inii epoo Méé Tuhan Kristus Yesus ma dimi aagadi-maagadi naadi kisee too iminoo miya, iminoo miya toogee siwoo siyaa kuwa.

Ibrani 9:27 Ogatamee me gaata dimii mee ko kisee: méé tomaa yuwa okoo méé gakata kaagaa ena too too booyaa. Kiyoo kaama okoo kaa daamaa, pedeo see kuwa yawegamaata kaama okoo pe-wigintaayaa.



Epesus 2:8,9 Mikee, ikii daba kidaagimaa peeyaata totaakea mee ko Ogatamee Wa me ikii aii kisee kiepa see dimii mee kaa too, ikii Kristus mikee nao see gaata kemaata Wa me kisee daamaa kikiyaata. Ikii ekaato daba daagimaa peeyaano iyo. Ogatamee Wa me too ikii aii kisee kiepa kaa kiukuwata agiyoo da. Ikii me daamaa ukuwata agiyoo kuwa kaa se. Kuwa me kemaata méé ena me ebo poga-poga see dimii mee iyo.

Roma 10:9 Kisee ikii me ebee to kaa "Yesus mee ko Tuhan yoka" see wegataa, bedaa dimi yiba 'Yesus mee boota kaama Ogatamee me mikee aya andoo peeyaata ii' see kuwa miya gaataa, kisee ukuwayu ko ikii daba daagimaa pootagea.



Roma 10:10 Yesus me menaa kuwa dimi yiba awimaayu naadi kaama Ogatamee me mée sikii kiyaayaa, bedaa ebee to kaa Yesus mikee nao see wegamaayu naadi kaama mée daba daagimaa peeyaa.

Yohanes 3:16,17 Ogatamee me magaa da kaa bagee yuwa esee epa kemaata Wa me ena too too Yogaa mée manta. Waa mikee gaayaa bagee yuwa uduma se pedeo keta iminoo miya, iminoo miya kisee too toowoo segeesi naadi mée manta. Ogatamee Wa me Yogaa magaa da kaa bagee paagoo isiyaata mee ko mée tomaa pedeo kiyaabuu taano see naadi se kiya Wa me Yogaa me mée tomaa daba daagimaa peeyaabuusi naadi isiyaata.



1 Yohanes 5:11-13 Mikee menaa kuwa ko kisee: Ogatamee me inii iminoo miya, iminoo miya toowoo taano bagee méé kiyaata. Wayoopaa ma inii dimi aagadi-maagadi naadi kaama kisee too toowoo siyaa. Ogatamee Yoopaa mee dimi yiba agoo see bagee kuwa iminoo miya, iminoo miya toowoo siyaa. Ogatamee Yoopaa dimi yiba taa see bagee kuwa ko taa, kisee too se toowoo siyaa. Ikii me Ogatamee Yoopaa mikee nao, Waa ko ekaa yago Méé yoka see gaataa see bagee kuwa ikii kisee too iminoo miya, iminoo miya toowoo taatagea ii see kuwa ikii ipi kesea naadi anii kuwa menaa kiebeaga.



Matius 8-9; Markus 1-2, 4; Lukas 4, 8;  
Yohanes 2

Storyline by: Edward D. Hughes

Illustrated by: Byron Unger, Lazarus  
and Alastair Paterson

Adapted by: E. Frischbutter; Sarah S.

Ayu Bible (auu) © (Active), Wycliffe Bible Translators,  
Inc. All rights reserved.

<https://www.bible.com/en-GB/bible/2547/MAT.1>

©2026 Bible for Children, Inc.

[www.M1914.org](http://www.M1914.org)

[www.bibleforchildren.org](http://www.bibleforchildren.org)

